

## Communicaziun a las medias

### RTR preschenta: ARNO CAMENISCH – mund sutsu

Cuira, ils 19-02-2015 – **Arno Camenisch è in trendy scrivent sursilvan. En ina coproducziun da RTR Radiotelevisiun Svizra Rumantscha e TOPICFILM han Christina Pollina e Gian Rupf accompagnà Arno Camenisch sin ses viadi a New York ed era visità cun el ses vitg nativ: Tavanasa. Il film “ARNO CAMENISCH – mund sutsu” vegn emess dumengia, ils 22-02-2015 a las 17:25 en ils “Cuntrats” da RTR sin SRF1.**



Arno Camenisch



Arno Camenisch vid scriver

Gugent fiss Arno Camenisch daventà ballapedist. Il talent avess el gi. Oz gioga el cun plets. Il star da pop scrivend, oriund da las muntognas, per il solit cun chapitscha, è ina marca da la scena da litteratura svizra. Ses cudeschs, repetidamain undrads, èn da leger en passa 20 linguatgs. En ses texts fa el or dal pitschen mund la gronda tribuna. Perquai vegn el chapì dapertut. Tant a New York City sco a Grüşch u a Bienna.

Creschè si è Arno Camenisch a Tavanasa, in vitg sumbrivaun en la Surselva. Sco mattet ha el stui ir ad alp – lavurar sco in pauper galiot, da l'alva fin la brina. Ils culms n'èn betg idillics per Camenisch, anzi, els inquieteschan sco ils sgrattatschiels da New York. Là è el ì l'atun passà per l'emprima giada. En la valisch ina stanga cigarettas e „Sez Ner“, ses bestseller, en englais.

Il film da Christina Pollina e Gian Rupf accompogna Arno Camenisch sin ses prim trip en la metropola americana. Ed era qua chatta el las pitschnas istorgias, ils originals, ils agens. Il sound ritmic da ses text sa maschaida cun las ramurs da la citad canerusa. Ma il film turna er tar las ragischs dad Arno Camenisch. A Tavanasa entaupa el umans che fan alas a sia litteratura. E lura less el finalmain era savair da ses bab, tge che lez manegia da ses figl e sia vita sco scrivent. Co san ins scriver da las experientschas fatgas? Co scriva in che n'ha legì nagut fin ventg? Arno Camenisch ans lascha prender part a la naschientscha da ses microcosmos, da ses clips da video litterars.

**Infurmaziun supplementara:**

Il film da l'emissiun “Cuntrats” vegn mussà sco suonda: dumengia, ils 22-02-2015, 17:25 sin SRF 1  
*Repetiziun:* sonda, ils 28-02-2015, 17:10 sin SRF1

**Dapli infurmaziuns:**

RTR Radiotelevisiun Svizra Rumantscha  
Bertilla Giossi | Tel 081 255 75 75 | bertilla.giossi@rtr.ch